

CYPE(6)–07–21 – Papur i’w nodi 7

Y Pwyllgor Plant, Pobl Ifanc ac Addysg

Children, Young People and Education Committee

Senedd Cymru

Bae Caerdydd, Caerdydd, CF99 1SN
SeneddPlant@senedd.cymru
senedd.cymru/SeneddPlant
0300 200 6565

Welsh Parliament

Cardiff Bay, Cardiff, CF99 1SN
SeneddChildren@senedd.wales
senedd.wales/SeneddChildren
0300 200 6565

Jeremy Miles AS

Gweinidog y Gymraeg ac Addysg

Dyddiad | Date 24 Tachwedd 2021

Pwnc | Subject: Bil Addysg Drydyddol ac Ymchwil (Cymru)

Annwyl Jeremy,

Diolch am roi tystiolaeth am y Bil i’r Pwyllgor ar 18 Tachwedd. Fel y nodais yn ystod y sesiwn, roedd rhai cwestiynau na wnaethom ni eu holi y cytunwyd y byddem yn ysgrifennu atoch amdanynt. I helpu i lywio ein gwaith craffu, byddem yn gwerthfawrogi pe gallech ymateb erbyn dydd Llun 13 Rhagfyr.

Amcanion polisi a’r angen am ddeddfwriaeth

1. Beth yw sylfaen dystiolaeth Llywodraeth Cymru dros gredu y bydd y Bil yn gwireddu bwriad Llywodraeth Cymru? Fe wnaeth eich dadansoddiad cost a budd gan Alma Economics nodi bylchau yn y sylfaen dystiolaeth, ac ymddengys fod peth camddealltwriaeth ynddo ynghylch natur y diwygiadau arfaethedig. Er enghraifft, mae’n awgrymu y bydd y Comisiwn yn dod â’r sector ynghyd o dan un ymbarel rheoleiddio, ac yn nodi y bydd hyn yn cael gwared ar ddryswch o ran rolau nifer o sefydliadau’n gorgyffwrdd. Yna mae’n rhestru nifer o sefydliadau sydd y tu allan i gymhwysedd deddfwriaethol, fel Adran Addysg a Sgiliau Llywodraeth y DU a’r Asiantaeth Sicrhau Ansawdd (QAA).
2. Nid oes unrhyw resymeg glir yn bresennol yn y Memorandwm Esboniadol ynghylch pam y cafodd rhai opsiynau eu gadael i fynd yn gynnar yn y broses. Mae hyn yn ei gwneud hi'n anodd iawn deall proses Llywodraeth Cymru o wneud penderfyniadau ar gyfer y Bil newydd hwn. A allwch chi egluro pam nad oes mwy o wybodaeth am hyn ar gael i ni?



Heriau cychwyn a gweithredu

3. Sut fydd y trosglwyddiad rheoleiddio a chyllid yn cael ei reoli gan ystyried y bydd angen i ddarparwyr wneud cais i gofrestru a pharatoi'r ceisiadau hynny?

Dylanwad Gweinidogion Cymru ar y Comisiynydd a darparwyr

4. Beth yw'r rhesymeg dros beidio â rhoi pwerau i'r Comisiwn sefydlu ei fframwaith cyllido cydlynol ei hun, ond yn hytrach dweud pwy sy'n gymwys i gael cyllid ar sail rheoliadau Gweinidogion Cymru?
5. Mae CCAUC yn dweud wrthym: "Mae'r ddeddfwriaeth yn galluogi'r Llywodraeth i ariannu ymchwil o amgylch y Comisiwn drwy gadw pwerau o dan Ddeddf Gwyddoniaeth a Thechnoleg 1965 a Deddf Addysg Uwch 2004. Mae'r rhesymeg dros hyn yn aneglur." A fyddechystal â dweud beth yw'r rhesymeg dros hyn?

Rhwystrau i ddysgu gydol oes a chydweithredu

6. Beth yw'r rhesymeg dros beidio â disgwyl i bob darparwr fodloni'r amod parhaus o gyfle cyfartal ar gyfer cofrestru? Pa ddarparwyr y bydd disgwyl iddynt fodloni'r amod hwn?

Sicrhau ansawdd ac Estyn

7. I ba raddau ydych chi wedi mynd i'r afael â phryderon CCAUC ynghylch ystyried trefniadau ansawdd ar gyfer addysg draws-wladol, trefniadau dilysu a phrentisiaethau gradd?
8. Canfu gwaith craffu ar ôl deddfu ar y Ddeddf Addysg Uwch fod y system sicrhau ansawdd ar gyfer darparwyr addysg bellach sy'n darparu addysg uwch yn golygu bod sefydliadau'n ddarostyngedig i ofynion QAA a gofynion Estyn. Mae'n ymddangos bod y Bil yn parhau â'r sefyllfa hon – a allwch chi nodi'r rhesymeg dros hyn.

Prentisiaethau a dosbarthiadau chweched dosbarth

9. Yn ystod y sesiwn, fe wnaethoch chi gyttuno i ymateb i'r cwestiwn hwn yn ysgrifenedig: A yw prif gontractwyr prentisiaethau angen cydsyniad Llywodraeth Cymru ar hyn o bryd i drosglwyddo cyllid i isgontractwyr, ac nad ydynt, beth yw'r rhesymeg dros newid hyn yn y Bil i wneud cydsyniad yn ofynnol?

Llais y dysgwr

10. Sut ydych chi'n rhagweld y bydd Cynlluniau Diogelu Dysgwyr yn cefnogi myfyrwyr sy'n dymuno trosglwyddo cyrsiau pan fydd rhwystrau systemig yn aml i wneud hynny, fel cydnabod statws uwch a throsglwyddo credydau?

11. I ba raddau y bydd cysondeb o ran disgwiliadau ar draws yr holl ddarparwyr addysg drydyddol ynghylch lefel ymrwymiad a chynnwys eu Cynllun Diogelu Dysgwyr?

Yn ystod y sesiwn, fe wnaethoch chi gytuno hefyd i rannu'r cynllun gweithredu deddfwriaeth â ni. A allwch chi gadarnhau eich bod yn gallu rhannu hyn â ni? Fe wnaethoch chi gytuno hefyd i roi nodyn i'r Pwyllgor ynglŷn â sut rydych chi'n rhagweld y bydd y Bil yn gwella'r berthynas rhwng cyflogwyr, cyrff dyfarnu, y Comisiwn a Cymwysterau Cymru.

Rwy'n edrych ymlaen at gael eich ymateb.

Yn gywir,



Jayne Bryant AS
Cadeirydd

Croesewir gohebiaeth yn Gymraeg neu Saesneg.

We welcome correspondence in Welsh or English.

